

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



مجموعه علوم

هر عربی ایک برزده واون بشنده نشر اولنور

اچلمسه آکرباب توقع سونورل
فتح اولدی بزه دیو کال متوقع
یانغن کچنورل یوغکن لمعه آتش
اولمایه بولارک کبی احوالی مله مع
مقداری رفیع اولنی الجیق کوزدرل
کندولینک اولمغچون قدر مرفع
افراط تصنعلی شول حده دررکم
خرقه لری وتاجلری بیله مصنع
براشده که بوخلقه هزاران ضرر اولسه
ایلر انی کسندوله اولسه کرانفع
جمع اولوبن اندکری رقصیه سماعت
حلسده وار اشکال ولی حرمتی مجمع
باشلرن اچوب شمله لرن ییره اورل
جمع اولوبن برنیچه کل کله سی اصلع
حق حق دیدکی صوفی ریایله ایسه کر
وق وق دیدکی یکدور راخلایله ضفدع
اوزمه سوزی قطع کلام ایله برادر
کم طوتدی نیچه قطعه یرینی بره قطع
بحث رابع تصلیه وترضیه ده در
تصلیه وترضیه انبیاء کرامدن بری ذکر
اولدقده صلی الله علیه وسلم یا صلوات الله
علیه دیمک ویاخود اللهم صل علی محمد دیمک
واصحاب کرام ذکر اولدقده رضی الله عنه
دیمکر
أمة دین رضوان الله علیهم مختاری اوزره
عمرده برکره صاوة علی النبی فرض باقیسی
مستحب اولق مرویدر هر ذکر عقبنده وجوب
روایتی دخی سویلر بهر حال اختلافی در
کاسک ماده نزاع اولان خطبه ده مؤذنلر
صلی الله علیه ورضی الله عنه دیو چاغر شمه لیدر
کرجه اصل اذا قلت لصاحبك انصت فقد
انصت فحواسنجه سکوت وانصات واجبدر
پووجوبده اتفاق اولوب وجوب تصلیه

اختلافی اولمغله ترجیح اولنمق مقرردر امامعرف
ناس مرجوحی ترجیح اوزرنه بنا اولنوب اثم
وجرم ایسه ده التزام وعادت ادتمشدردر فراغت
اتمزل هر امر که عامه اراسنده عرف وعادت
اولوب اکثری اختیار ایلیه وبلانکیر صغیر وکبیر
اکا مألوف اولمغله قرار داده قلانه بدعت
ومعصیت ایسه ده انی منع هوسنده اولان بیهوده
زحمت چکوب من لم یعرف عرف اهل زمانه
فهم جاهل فحواسی اوزره جهل وحمایت
اظهارندن غیری نسنه یی منتج اولماز بحث تنفیرده
دخی زیاده تعمق اولنورسه لسانله قیل وقال
سیف سنانله حرب وقتاله مؤدی اولوب سلفده
کچن تعصب جنکری کبی احوال ظهور ایدر
زیرا خلق عرفه مخالف سوزی حق دخی اولسه
سهولته قبول ایلمک برامر جبلی در و منع
اولدقجه حرص زیاده اولور البته منعی لازم
اولدوغی تقدیرجه دخی فقوالاه قولاً لسانله
یتذکر اوینحشی فحواسیله عمل لازمدر که رفیق
ولین ایله امر دعوتک برثمره سی ظهور رایله
پس بواصل امور تعبیده استقصا وتدقیق
اولنمیوب خلقی صورت حقه ده اولان عبادت
اوزره قویوب حکام ووعاظ ابقاء ماکان علی ماکان
ایلیوب ارایرده عرفه مبنی بری بکزر قصور
وکسور به بقه متق کرکدر مکر که قولوک هر عبادتی
کما هو حقه کتابلر یازدوغی اوزره میدر امام
غزالی امثالی کبار عمر مرزده حقه یرارایی رکعت
نماز قلامادق دیو عجزه اعتراف ایدوب
سبحانک ما عبدناک حق عبادتک دیدیلر
جناب باری بهاتکر یسی دکل بهانه تکر یسی در
دریای رحمتی وسعت اوزره اولوب احسان ولطفنه
نهایه وکرمنه حد غایه یوقدر قوله دخی لازم
اولان قادر اولدوغی قدر امر شریفنه امثالده
بولوب مقرب قولاری کبی تضرع ونیاز ایدوب

پادشاهها بدرگاه تو پناه آورده ام

در حریم حضرتت روی سیاه آورده ام

چار چیز آورده ام که در کنج تو نیست

نیستی و معصیت عجز و گناه آورده ام

دیو عجز و نقصانته معترف اولمقدر نیست

جرمنه اعتراف ایلین مسکین * یکدر اندن که اوله

طاعت بین دیمشالر

کالدک بعض واعظارائنه وعظنده خلقه

صلوة علی النبی تکلیف ایدوب بعضیلری اتمزل

اول خصوص دخی چندان موضوع بحث

اولجی مرتبه دکل عاده مبنی بر حالدر منشائی

مشایخ بیننده سارودار اولان اختلاف و تنافر در که

بو اختلاف ضمننده نیجه مصلحت کوررل

تکم تفصیلی کاجکدر

بحث خامس دخان بحثی در

اقتضا حسبی ایله بر زمان خلق جهان

ایچدکلری دخان بخشنده بر رساله تسوید ایدوب

بیاضه چقارمش ایدم حالا بو مقامده اول رساله

مالی یازیلوب مسوده الغا اولندی لکن انده

رعایت اولنان ترتیب تکلفی بر طرف قلنوب بورساله

طرزی اوزره واردات اسلوبنده یازلدی

قبلی البحت دخانک ظهورینه سبب نه اولدی

بر تعاییده انی بیان ایده لم تعلیم سال

تاریخ هجرت سکن یوزی کچوب طقوز یوزه

قریب اولدقده اسپانیا کیلری یکی دنیایی بولوب

پورتقال وانکلیس دخی محیط غربی دن محیط

شرقی به کچمکه کنارلری کزر کن براطه (ح) که

کتاب اطلسده کینه یا یازیلان کنارلره قریبدر

وارد قلرنده سفینه خلقتده بر طیب بدننه رطوبت

هوا در یادن مزاجده استعداد حسبی ایله امراض

(ح) بعض اهل وقوف جزیره مزبور

اسمی طبقه اولغله ورق دخان دخی طبقه تسمیه

اولندی درلر لکن حقیقی معلوم دکدر

بلغمیه عارض اولوب علاج بالضد قانونی اوزره

حار یا بس اشیا یله معالجه به قید اثنا سنده سفینه سی

اطه یه واروب کورر که بر نوع ورق یینار استشمام

ایدوب حار الراحه اولغله قلب و دماغه تأثیر ایچون

اوله کبی بر آتله امکه باشلر و منتفع اولغله ورق

مزبور دن وافر الوب انده اقامت زماننده

استعمال ایدر کمی خلقی دخی کورروب نافع

دوادر دیو مزبور طبیبه تقلید ایله وافر الوب یوکلرل

و بری برندن کوررک ایچمکه باشلرل سفینه

انکلیسه کلوب فرانسه سار دیارلره یا ییلوب

خلق اصلنی بلعدن یهوده ایچیلور ملاحظه سیله

استعمال ایدرک چونی مبتلا اولوب سار مکیفات

قبیلندن قلدیله و شرقه غربه عام بر معنی اولیجق

منعدن قالدی

اوائل ظهور که بیک اون حدودی در بوانه

کلنجه بعض واعظلری بر سولوب نیجه علما

دخی کیمی حرمت و کیمی کراهه دعوا ایدوب

رساله لریاز دیلر ابتلا اربابی دخی اباحتنه ذاهب

اولوب جوابلر و یردیله و صکره دار السلطنه

یعنی شهر قسطنطنیه ده جراه شیخی ابراهیم افندی

بو بایده عظیم بحثلر و سلطان محمد جامعنده

مخصوص عقد مجلس عامده وعظ و نصیحت

و فتوی صورتلرین دیواره یا بشدر مغله وافر اهتمام

ودقت ایدوب یهوده زحمتلر چکمشیدی اول

سویلد کچه خلق دخی زیاده ایچوب مصر اولدیله

کوردیکه اولماز فراغت ایلدی

بعده سلطان مراد خان رابع او اخر عصر نده

سدباب مساوی ایچون قهوه خانه لری قیادب بعض

حریق وقوعی سبی ایله دخانه یساغ اتمشیدی خلق

منوع اولیجق غیره شهنشاهی امر هما یونه مخالفت

کناهی ایله ایچنلری مو اخذه اقتضایلدی کیدرک

انلرک منع باینده شدتی و خلقتک الناس حر یص

لمانع فحوا سنجه ایچمکه حره ی و رغبتی